

Na osnovu člana IV 4.a) Ustava Bosne i Hercegovine, Parlamentarna skupština Bosne i Hercegovine, na 16. sjednici Predstavničkog doma, održanoj 11. i 30. oktobra 2007. godine, i na 9. sjednici Doma naroda, održanoj 29. oktobra 2007. godine, usvojila je

ZAKON O AGENCIJI ZA PREDŠKOLSKO, OSNOVNO I SREDNJE OBRAZOVANJE

DIO PRVI - UVODNE ODREDBE

Član 1.

(Predmet Zakona)

Ovim zakonom osniva se Agencija za predškolsko, osnovno i srednje obrazovanje (u daljnjem tekstu: Agencija), uređuje njen pravni status, organizacija, nadležnosti, način uspostavljanja i nadležnosti stručnih i rukovodnih tijela, finansiranje i druga pitanja u vezi sa radom Agencije.

DIO DRUGI - STATUS I ORGANIZACIJA AGENCIJE

Član 2.

(Status i sjedište Agencije)

- (1) Agencija ima status samostalne upravne organizacije koja ima svojstvo pravnog lica.
- (2) Agencija ima pečat i štambilj u skladu sa zakonom.
- (3) Savjet ministara Bosne i Hercegovine će posebnom odlukom odrediti sjedište Agencije.

Član 3.

(Osnivanje područnih jedinica)

- (1) Osim sjedišta, Agencija osniva i područne jedinice.
- (2) Savjet ministara Bosne i Hercegovine će posebnom odlukom odrediti sjedišta područnih jedinica Agencije.

DIO TREĆI - NADLEŽNOSTI AGENCIJE

Član 4.

(Uspostavljanje standarda u predškolskom, osnovnom i srednjem obrazovanju)

Agencija je nadležna za uspostavljanje standarda znanja, ocjenjivanje postignutih rezultata i razvoj zajedničke jezgre nastavnih planova i programa u predškolskom, osnovnom i srednjem obrazovanju, i za druge stručne poslove u oblasti standarda znanja i ocjenjivanja kvaliteta koji su određeni posebnim zakonima i drugim propisima.

Član 5.

(Uspostavljanje standarda znanja i ocjenjivanja)

U oblasti uspostavljanja standarda znanja i ocjenjivanja postignutih rezultata, u predškolskom, osnovnom i srednjem obrazovanju, i za druge stručne poslove u oblasti standarda znanja i ocjenjivanja kvaliteta obrazovanja, Agencija je nadležna za:

- a) ustanovljavanje standarda znanja učenika i ocjenjivanje postignutih rezultata,
- b) sprovođenje istraživanja s ciljem ocjenjivanja razvoja standarda znanja učenika, ocjenjivanje postignutih rezultata i objavljivanje rezultata istraživanja,
- c) davanje savjeta nadležnim obrazovnim vlastima u vezi sa pitanjima propisanih standarda znanja i njihove primjene,
- d) ustanovljavanje i vođenje mehanizama izvještavanja o stanju obrazovanja u Bosni i Hercegovini u saradnji sa nadležnim obrazovnim vlastima,
- e) sakupljanje, objedinjavanje, obrađivanje i objavljivanje podataka o kvalitetu i kvantitetu znanja,
- f) sprovođenje eksternog ocjenjivanja,
- g) davanje smjernica za sprovođenje programa obuke za nastavnike i stručne saradnika iz oblasti standarda znanja i eksternog ocjenjivanja,
- h) uspostavljanje kontakata sa tijelima koja imaju slične funkcije u drugim zemljama kao i sa međunarodnim organizacijama i institucijama s ciljem usklađivanja propisanih standarda u obrazovanju,
- i) pružanje pomoći prilikom priznavanja domaćih svjedočanstava i diploma u drugim zemljama, kao i u priznavanju stranih svjedočanstava i diploma u Bosni i Hercegovini,

j) sprovođenje drugih aktivnosti u vezi sa uspostavljanjem i primjenom standarda znanja i ocjenjivanja.

Član 6.

(Razvoj zajedničke jezgre nastavnih planova i programa)

U oblasti razvoja zajedničke jezgre nastavnih planova i programa u predškolskom, osnovnom i srednjem obrazovanju, Agencija je nadležna za:

- a) praćenje implementacije zajedničke jezgre nastavnih planova i programa,
- b) praćenje, evaluaciju, usavršavanje i razvoj zajedničke jezgre nastavnih planova i programa, u skladu sa standardima utvrđenim Okvirnim zakonom o osnovnom i srednjem obrazovanju u Bosni i Hercegovini ("Službeni glasnik BiH", broj 18/03),
- c) ostvarivanje saradnje sa pedagoškim zavodima i drugim institucijama za podršku, modernizaciju i razvoj predškolskog, osnovnog i srednjeg obrazovanja,
- d) davanje savjeta nadležnim obrazovnim vlastima o izradi i implementaciji novih programskih sadržaja (silabusa),
- e) davanje smjernica za pripremu programa za sprovođenje obuke nastavnika i drugih obrazovnih stručnjaka u primjeni nastavnog plana i programa,
- f) saradnju sa Komisijom za izradu nastavnog plana i programa za predmete dopunske nastave iz grupe tzv. "nacionalnih predmeta" za učenike osnovnih i srednjih škola - državljana Bosne i Hercegovine u inostranstvu,
- g) sprovođenje drugih aktivnosti u skladu sa ovim zakonom i drugim zakonima koji se odnose na standarde u predškolskom, osnovnom i srednjem obrazovanju.

DIO ČETVRTI - STRUČNA I RUKOVODNA TIJELA AGENCIJE

GLAVA I - STRUČNO TIJELO AGENCIJE

Član 7.

(Odbor Agencije)

- (1) Odbor Agencije za predškolsko, osnovno i srednje obrazovanje (u daljnjem tekstu: Odbor) stručno je tijelo koje se uspostavlja u okviru Agencije.
- (2) Odbor ima sedam članova, i to po dva iz svakog konstitutivnog naroda i jednog člana iz reda ostalih.
- (3) Ministarstvo civilnih poslova Bosne i Hercegovine raspisuje javni konkurs za izbor članova Odbora i objedinjenu listu prijavljenih kandidata koji ispunjavaju uslove daje na mišljenje Konferencije ministara obrazovanja u Bosni i Hercegovini.
- (4) Odbor imenuje Savjet ministara Bosne i Hercegovine.
- (5) U radu Odbora učestvuje predstavnik Ministarstva civilnih poslova Bosne i Hercegovine bez prava glasa.
- (6) Članovi Odbora imenuju se na mandat od tri godine.

Član 8.

(Način rada i podzakonski akti Odbora)

- (1) Odbor odluke donosi u skladu sa ovim zakonom.
- (2) Ostala pitanja u vezi sa načinom rada Odbora uređuju se Poslovníkom o radu Odbora Agencije za predškolsko, osnovno i srednje obrazovanje (u daljnjem tekstu: Poslovník o radu).
- (3) Članovi Odbora biraju između sebe predsjedavajućeg Odbora, i to na mandat od jedne godine, u skladu sa Poslovníkom o radu.
- (4) Odbor o svim pitanjima odlučuje većinom glasova od ukupnog broja članova, s tim da se u većini glasova nalazi po jedan glas predstavnika konstitutivnih naroda.

Član 9.

(Razrješenje Odbora)

- (1) Ukoliko ocijeni da Odbor ne ostvaruje svoju funkciju, i prije isteka mandata na koji je Odbor imenovan, ministar civilnih poslova Bosne i Hercegovine može predložiti Savjetu ministara Bosne i Hercegovine razrješenje Odbora, odnosno pojedinog člana Odbora.
- (2) O predlogu za razrješenje članova ili člana Odbora pribavlja se mišljenje Konferencije ministara obrazovanja u Bosni i Hercegovini.

Član 10.
(Nadležnost Odbora)

Odbor ima nadležnost da:

- a) uspostavlja standarde znanja učenika i ocjenjivanja postignutih rezultata,
- b) odobrava zajedničko jezgro nastavnih planova i programa osnovnog i srednjeg obrazovanja i objavljuje ga u "Službenom glasniku BiH",
- c) daje savjete, tumačenja i preporuke nadležnim obrazovnim vlastima u pitanjima iz svoje nadležnosti,
- d) ustanovljava i vodi mehanizme informisanja i izvještavanja o pitanjima iz svoje nadležnosti,
- e) razmatra sprovedena istraživanja iz djelokruga Agencije i objavljuje rezultate istraživanja,
- f) uspostavlja i ostvaruje kontakte sa tijelima koja imaju slične funkcije u drugim zemljama kao i sa međunarodnim organizacijama i institucijama s ciljem da propisani obrazovni standardi u Bosni i Hercegovini budu uporedivi sa standardima evropskih zemalja,
- g) donosi smjernice za sprovođenje programa obuke nastavnika i stručnih saradnika.

GLAVA II - RUKOVOĐENJE AGENCIJOM

Član 11.
(Direktor Agencije)

- (1) Agencijom rukovodi direktor imenovan u skladu sa Zakonom o ministarskim imenovanjima, imenovanjima Savjeta ministara i drugim imenovanjima BiH ("Službeni glasnik BiH", broj 37/03). Direktor ima dva zamjenika, koji su rukovodioci područnih jedinica i imenuju se na isti način.
- (2) Direktora Agencije i zamjenike direktora imenuje Savjet ministara Bosne i Hercegovine na period od četiri godine.
- (3) Direktori i zamjenici direktora ne mogu biti iz istog konstitutivnog naroda.
- (4) Direktor Agencije za svoj rad i rad Agencije u cjelini odgovara Savjetu ministara Bosne i Hercegovine.

Član 12.
(Nadležnosti direktora)

Direktor Agencije:

- a) rukovodi i usmjerava obavljanje poslova u nadležnosti Agencije;
- b) odgovoran je za sprovođenje odluka Odbora i drugih nadležnih organa;
- c) priprema materijale o kojima raspravlja i odlučuje Odbor;
- d) priprema plan rada Agencije i podnosi izvještaj o radu;
- e) priprema finansijski plan Agencije i podnosi finansijski izvještaj;
- f) u skladu sa zakonom, odgovoran je za pitanja radnih odnosa;
- g) ostvaruje neophodnu saradnju sa nadležnim obrazovnim vlastima u entitetima, kantonima i Brčko Distriktu Bosne i Hercegovine;
- h) podnosi Savjetu ministara Bosne i Hercegovine godišnji izvještaj o radu;
- i) obavlja druge poslove u skladu sa zakonom i podzakonskim aktima, te aktima Agencije.

Član 13.
(Pravilnik o unutrašnjoj organizaciji Agencije)

- (1) Direktor Agencije, uz konsultacije sa rukovodiocima područnih jedinica, donosi Pravilnik o unutrašnjoj organizaciji, uz prethodnu saglasnost Savjeta ministara Bosne i Hercegovine.
- (2) Pravilnik o unutrašnjoj organizaciji obavezno definiše nadležnosti područnih jedinica.

DIO PETI - FINANSIRANJE

Član 14.
(Finansiranje i samofinansiranje Agencije)

- (1) Sredstva za rad Agencije obezbjeđuju se u Buxetu institucija Bosne i Hercegovine i međunarodnih obaveza Bosne i Hercegovine od 01.01.2007. godine.
- (2) Agencija može imati sopstvene prihode i prihode iz drugih izvora.

DIO ŠESTI - NADZOR

Član 15.
(Nadzor)

Nadzor nad primjenom ovog zakona vrši Ministarstvo civilnih poslova Bosne i Hercegovine.

DIO SEDMI - PRELAZNE I ZAVRŠNE ODREDBE

Član 16.

(Prestanak rada Agencije za standarde i ocjenjivanje u obrazovanju za Federaciju Bosne i Hercegovine i Republiku Srpsku)

- (1) Prestanak rada, preuzimanje arhive, opreme i zaposlenih Agencije za standarde i ocjenjivanje u obrazovanju za Federaciju Bosne i Hercegovine i Republiku Srpsku (u daljnjem tekstu: Agencija za standarde i ocjenjivanje u obrazovanju za Federaciju BiH i Republiku Srpsku) regulisaće se Sporazumom koji će zaključiti Savjet ministara Bosne i Hercegovine, Vlada Federacije Bosne i Hercegovine i Vlada Republike Srpske.
- (2) Postupak zaključivanja Sporazuma iz stava (1) ovog člana sprovodi se najkasnije u roku od tri mjeseca od dana stupanja na snagu ovog zakona.

Član 17.

(Usklađivanje propisa)

- (1) Stupanjem na snagu ovog zakona prestaju da važe čl. 46, 47. i 48. Okvirnog zakona o osnovnom i srednjem obrazovanju u Bosni i Hercegovini ("Službeni glasnik BiH", broj 18/03).
- (2) U skladu sa ovim zakonom, u roku od tri mjeseca od dana stupanja na snagu ovog zakona vlade entiteta će staviti van snage Odluku o osnivanju Agencije za standarde i ocjenjivanje u obrazovanju za Federaciju BiH i Republiku Srpsku ("Službene novine Federacije BiH", broj 28/00), i Odluku o osnivanju Agencije za standarde i ocjenjivanje u obrazovanju za Federaciju BiH i Republiku Srpsku ("Službeni glasnik Republike Srpske", broj 42/01).

Član 18.

(Stupanje na snagu)

Ovaj zakon stupa na snagu osmog dana od dana objavljivanja u "Službenom glasniku BiH".

PSBiH, broj 123/07
30. oktobra 2007. godine
Sarajevo

Predsjedavajući
Predstavničkog doma
Parlamentarne skupštine BiH
dr **Milorad Živković**, s. r.

Predsjedavajući
Doma naroda
Parlamentarne skupštine BiH
Ilija Filipović, s. r.